

# Nowostki při wobědźowanju „Sportej zdar!“



Sportowe mustwo Serbskeho gymnazija Budyšin, wobstajace ze šulerkow a šulerjow 7. do 9. lětnika je přeni raz wobědźowanje „Sportej zdar!“ w Slepom dobyło. Mytowanje dobyčerjow stej narodnu drastu Slepjanskeje kónčiny woblékanej šulerce Johanna Schefferec (naprawo) a Leni Rublackec (druha wotlěwa), zhromadnje z předsydku Serbskeho šulskeho towarstwa Katarinu Jurkowej (nalěwo), wjesnjanostu gmejny Slepo Jörgom Fundu (třeći wotlěwa) a starostu Serbskeho Sokola (pjaty wotlěwa) přewzało.

Kati Strukowej, nowej zamołwitej za serbske naležnosće wokřesa Zhorjelc, smědža so zamołwići wobědu zarjadowarjow, mjenujcy Serbskeho šulskeho towarstwa z.t. a Serbskeho Sokola z.t., dźakować, zo mějachu wšitcy wobdźělnicy 2. serbskeho sportoweho wobědźowanja „Sportej zdar!“ tež lětsa zaso swójske pisane T-shirty z mjenami šulow na chrbje. Tak nasta tydženja wot wšeho spocatka pisane sportowe wobědźowanje serbskich wyšich šulow a Serbskeho gymnazija a nimo toho jara dobre přirjadowanje kubłanišćow do jednotliwych wobědźowanjskich lišćinow.

Nowostka, přirunuju lětuše druhe wurisanje z loňšim premjernym, bě poły uspěch. Šulerki a šulerjo z lěpich sej nalěpk z plata na swójsku hruď, na kotrymž bě logo sportoweho swjedženja a předmjeno sportowce abo sportowca abo swójbne mjeno sportoweje wučerki a sportoweho wučerja napisane. Nalěpki běchu wuhotowarjo Wyšeje šule Slepo připrawili. Tak móžachu so holcy a hólcy mjez sobu z předmjenom narěć abo

pozdžišo dalši kontakt přez socialne syće nawjazać.

Wosebje zwjeselace pak lětsa bě, zo rozsudžichu so zarjadowarje a wuhotowar za podwojenje ličby wobdźělnikow wot 36 na 72. Tak startowaše kóždy ze šěsć přizjewjenych šulow z dwanaće šulerjemi, ze šěsć holcami a šěsć hólcami. Dvě holcy a dwaj hólcaj z kóždeho kubłanišća wobědźowaloj staj so w skupinje 1 – 7. lětnik holcy, skupinje 2 – 8. lětnik holcy, skupinje 3 – 9. lětnik holcy, skupinje 4 – 7. lětnik hólcy, skupinje 5 – 8. lětnik hólcy a skupinje 6 – 9. lětnik hólcy. Měšenje šulerkow a šulerjow wjedžeše njewobědnje k tomu, zo dyrbjachu wone mjez sobu komunikować, a to najlěpje serbsce. To běštaj sej mjenujcy nawodaj wobědźowanja Jan Rjeda (Serbske šulske towarstwo) a Jan Hrjehor (Serbski Sokol) wot maćernorěčnych šulerkow a šulerjow tež wuraznje płało. A zo by so to ze serbsčinu hišće lěpje poradziło, dósta kóždy skupina z Marlis Młynkowej ze Serbskeho šulskeho towarstwa, Bernadet Kralowej ze Serbskeje

wyšeje šule Budyšin, Michaelu Rabowej ze Serbskeho kubłanskeho srjedzišća LIPA z.t., studentku wučerstwa Xenju Špitankec, wučerku Wyšeje šule Slepo Sybillu Eiseltowej a starostu Serbskeho Sokola Milanom Funku maćernorěčneho přewodnika.

Nowe tež bě, zo bě so Michaela Rabowa lětsa wo zhromadne sćoplenje wšitkich akterow postarała. Na jednotliwych stacijach pak sćehowaše potom hišće dalše specifiske sćoplenje. Dojednali běchu so zamołwići na to hižo loni, hnydom po přnim wuhodnoćenju. Dalša změna na próstwu Worklečana Jurja Bobki bu tohorunja wobkedźbowana. Holcy a hólcy 8. a 9. lětnika wobědźowachu so w kulostorku a nic kaž loni w mjetanju bulikow. Stafłowj běh přez distancu 6×100 m móžachu lětsa při najrjeńšim wjedrje pod hołym njebjom na tartanowej čarje přewjesć a nic kaž loni špatneho wjedra dla w sportowni. Tam skakachu na dwěmaj připrawomaj za wysokoskok. Tež to loni w Slepom njemějach.

Po třiapołhodźinskim sportowanju doby mustwo Serbskeho gymnazija druhe wobědźowanje „Sportej zdar!“: Tute běše wospjet jara poradžene. Šulskemu nošerjej gmejny Slepo a wšitkim sobuskutkowacym sluša na tutym městnje wulki sokolski sportowski dźak a dale „Sportej zdar!“.

■ **Tomaš Šořta**

- **skupina 1 / holcy 7. lětnik**  
sprint 75 m / 11,4 sek. / Evelyn Hermanec / SWŠ Worklecy dalokoskok / 4,50 m / Annelie Kummerec / SG Budyšin mjetanje bulikow / 33,70 m / Milane Bornec / WŠ Slepo dart / 125 dypkow / Evelyn Hermanec / SWŠ Worklecy wysokoskok / 1,20 m / Milena Suchec / SG Budyšin

- **skupina 2 / holcy 8. lětnik**  
sprint 75 m / 11,1 sek. / Miriam Brücknerec / SWŠ Worklecy dalokoskok / 4,27 m / Cheyenne Balzerec / WŠ Slepo kulostork / 7,70 m / Johanna Wićazec / SWŠ Ralbicy dart / 104 dypkow / Nina Horbankec / SWŠ Worklecy wysokoskok / 1,35 m / Emilia Häntzschelec / SWŠ Budyšin
- **skupina 3 / holcy 9. lětnik**  
sprint 75 m / 10,8 sek. / Magdalena Pilcec / SWŠ Ralbicy dalokoskok / 4,50 m / Magdalena Pilcec / SWŠ Ralbicy kulostork / 8,40 m / Stella Pilcec / SG Budyšin dart / 125 dypkow / Stella Pilcec / SG Budyšin wysokoskok / 1,30 m / Lotte Elle / SWŠ Budyšin
- **skupina 4 / hólcy 7. lětnik**  
sprint 75 m / 10,3 sek. / Rafael Čornak / SWŠ Ralbicy dalokoskok / 4,35 m / Linus Hrjehor / SG Budyšin mjetanje bulikow / 37,95 m / Miloš Nawka / SG Budyšin dart / 150 dypkow / Linus Hrjehor / SG Budyšin wysokoskok / 1,35 m / Linus Hrjehor / SG Budyšin
- **skupina 5 / hólcy 8. lětnik**  
sprint 75 m / 9,8 sek. / Tiberius Statnik / SWŠ Worklecy dalokoskok / 5,39 m / Tiberius Statnik / SWŠ Worklecy kulostork / 9,02 / Jurij Bobka / SWŠ Worklecy dart / 150 dypkow / Pepe Senzel / WŠ Slepo wysokoskok / 1,50 m / Tiberius Statnik / SWŠ Worklecy
- **skupina 6 / hólcy 9. lětnik**  
sprint 75 m / 9,3 sek. / Cajus Wićaz / SG Budyšin dalokoskok / 5,39 m / Cajus Wićaz / SG Budyšin kulostork / 10,45 m / Karl Käßler / WŠ Slepo dart / 118 dypkow / Kito Budar / SG Budyšin wysokoskok / 1,50 m / Samuel Paška / SWŠ Worklecy
- **zaměstnjenje stafłowj běh**  
1. Serbski gymnazij Budyšin  
2. Serbska wyša šula Worklecy  
3. Serbska wyša šula Ralbicy  
4. Serbska wyša šula Budyšin  
5. Serbska wyša šula Radwor  
6. Wyša šula Slepo
- **kónčne zaměstnjenje**  
1. Serbski gymnazij Budyšin  
2. Serbska wyša šula Worklecy  
3. Serbska wyša šula Ralbicy  
4. Wyša šula Slepo  
5. Serbska wyša šula Budyšin  
6. Serbska wyša šula Radwor



Radworčanaj (nalěwo) přećiwu Worklečanomaj rěkaše mjez druhim na sprintowej distancy přez 75 metrov.